


錢臨江集 二之六



漢書門	類	一〇四〇七	函	架	冊
		七	〇		
		一			

庫	文	閣	內
漢	書	門	類
一〇四〇七	函	架	冊
七	〇		
一			

內閣文庫			
番號	漢	10407	
冊數	4 (2)		
函號	317	7	



淺草文庫

錢臨江先生集卷二

海鹽錢琦公良著

五言律詩

送章以道之梧州

使星占遠道客淚蒲東風易別三春酒難逢百
粵鴻知君應佩芷憐我獨飄蓬後夜蒼梧月相
思有夢通

省中對月

白白含秋夜輝輝當戶明一簾孤客影千里故

錢臨江集卷二

金田江集 卷二
鄉情暗壁蛩鳴急空堦鶴夢清微風過長樂欲
遞曙鐘聲

歌風臺

蔓草迷殘碣荒臺走白波英雄起亭長父老說
蕭何廢井寒泉少空庭落木多當年懷猛士撫
劍此高歌

孝陵

匹馬臨郊甸山陵雲霧間珠宮藏日馭石闕峙
天關風雨千靈集松楸六御閒鼎湖佳氣在拜

舞此躋攀

題牧羊圖

無論仗孤節不作漢家羞卽看今日畫猶起管
時愁墨染雲偏重綃含雪未收數羝安得乳空
白子卿頭

入覲

登頓五千里重來謁紫宸長河淹日月大陸走
風塵村火夜行急厨冰旅食貧王明倘垂照應
亦到微臣

宿新中驛

北俗古相近民風自不奢土牀連地竈茅堵作
人家沉黍封官酒分江煑客茶長亭斲欹枕夜
半促行車

昌平對月

獨憐今夜月偏照異鄉身孤枕不成夢清輝空
向人棲鴉啼更咽關柵聽來頻十載煙塵外思
家白髮新

祀淮瀆神

長淮下桐栢滾滾日之東客棹浮沉裏漁歌遠
近中兼葭逃鴈渚雲霧隱龍宮不使洵濤息能
叨祀典隆

秋風

天地秋風蒲離人意若何宦情悲世路歸思逐
江波慢捲飛螢入窓當斷鴈過不堪懷舊侶搔
首發長歌

抵瓜州

已越長江險青山兩岸開入雲雙鳥沒穿樹片

金田江集 卷二
帆來月在中冷水風高北固臺客行多應接登
眺此徘徊

凭闌

凭闌窮遠日風物正淒淒銅雀臺何處昭陵路
已迷雪消宮樹近雲合暮天低無限登樓思空
林鳥自啼

陪劉滁州遊龍泉寺

疋馬南滁道還隨刺史驅寺深風度磬山靜樹
啼烏古塔雲生滅殘碑字有無興來聊徙倚斜

日小橋孤

除夕

今夕爲除夕他鄉是帝鄉漏深消畫燭歲盡傷
椒觴霄漢逢時晚風塵作吏忙來朝覲明主夜
半結鳴璫

郊祀逢雪

燔燎承禋祀驂驪共百僚紫壇飛雪霰清道絕
塵囂曲引朱絃動神來絳節遙年登知有兆歡
忭及芻蕘

夕次北固

千山來暝色古岼一維舟風急鳴黃葉沙寒下
白鷗兵戈知己定民計尚堪憂北望憐回首天
高紫氣浮

渡揚子江

揚子風濤壯三年兩問津誰憐長作客自笑不
如人對雪當今夕飄蓬信此身計程家漸遠回
首益傷神

過中都有感

中都擁陵闕極望白雲間王氣鍾神物長淮抱
帝關寇深荒耒耜客久念刀環何日茅茨下開
尊一破顏

穀亭阻雪

白屋村村雪滄江日日風穀亭今夜裏尊酒與
誰同客路聞羌笛家書憶塞鴻故園三徑在梅
綻小齋東

宿銅城驛

北征已旬朔旅况竟如何地迥人烟少年凶寇

劫多兩行官柳樹千里漢山河驛舍誰相晤詩
成只自歌

白河道中

扣樵遡長岸俄傳古白河黃頭歌欸乃丹闕望
嗟峨堤柳搖新色汀沙漾細波推篷誰與晤一
鴈叫雲過

送艾文洪

江表知名士風流今代豪別分揚子棹贈解呂
虔刀地入東吳盡波吞震澤高那堪搖落思木

葉正蕭騷

送馮行甫守岳州 二首

微風動芳樹離尊點落花歌驪借五馬擊楫上
孤槎雲送鍾陵色天含楚水斜懷人倘回首秋
浦足蒹葭

其二

春愁不可破况復別離重一去隔千里百年知
幾逢洞庭迷草樹巴岳見芙蓉羨爾登樓處雲
濤日蕩胸

鳳陽道中 二首

衝曉出城郭征途猶自賒
草深山隱路風急水
行沙遠近啼春鳥高低
落花病軀愁跋涉搔
首嘆年華

其二

十年憐作客空着髮邊
霜覽鏡美人美入官
覺自忖無才堪報國有
夢只還鄉遙憶東風
裏花深舊草堂

任城遇雪有懷都下諸君子

北風吹朔雪游子倍思歸
江路宵無極山雲凍
不飛十年辭舊國此日
返初衣遙憶看花侶
翩向紫微

題署中畫菜

誰借菁葱色時同野圃
看似隨山雨長猶帶晚
風寒淡合移香署清宜
薦玉盤還思過知舊和
露摘春殘

自房村抵王仲集遇雪

平原驅一騎千里朔風
生冷壓征衣重光添落

金剛經疏
卷三
月明層雲低野樹孤鴈下寒城不是山陰道那
堪訪戴行

徐州遇何獻卿員外盛原之太僕

共有風塵苦何期此盍簪暫停千里駕爲語十
年心路險長河曲天寒積雪深浮榮總身外不
必歎升沉

阻風宿王太史宅

游子懷鄉切孤帆阻石尤偶經故人宅同醉碧
山樓寒日長林暮高江白浪浮明朝還惜別回

首亂雲愁

道中有懷子姪

諸子天涯隔谿花憶故廬見人頻問訊過驛數
留書山迥雲收盡江空月上初旅懷驚物換秋
葉逐風疎

寄同年王侍御夢弼

謫居且莫問汝水一歸航髮爲憂時短名因敢
諫香屏軀扶藥裹鄉夢遶松莊匪久看環召惟
應愛景光

淮上見新月

纖月長淮夜維梢葦岫深好供千里客滂作一
鈎沉難照清霜鬢能傷故國心更知驚落雁噉
噉急悲音

壽錢汝載侍御尊人

乘驄誇令子調鶴媚尊親柱下玄言古罇前白
髮新虞山時載酒洛社復迎賓幾樹南朝檜長
含海外春

出都城

秋深猶旅食騎馬出都城牢落丹心在蹉跎白
髮生雲開津樹碧日落晚山明極目荒原上悠
然送客情

南旺早發

短棹乘風發寒雞雜雨聽客心天外遠鄉夢柝
邊醒江月迎人白秋燈照樹青自憐孤劍色千
里逐浮萍

往潁州經臨淮

爲客經春淚臨流蒲目愁材官何處集寇盜幾

時休擊石夜炊飯敲冰早放舟宦遊心折盡對
酒看吳鉤

過壽州

平野環淮滸舟人隔渡呼民兵新斥埃僧寺古
浮圖桑棗荒村靜風塵旅傳孤徘徊江上路空
憶季鷹鱸

過滁

西過滁陽道關山一望賒夜涼天有雨秋晚樹
無花試訪仙居澗因停部使車臨風動高興追

憶故人家

憶公瑞弟病

天涯聞汝病忽忽又經春地僻來書少情深入
夢頻荆花休怨別藥裹好常親幾度看雲處能
令倍愴神

西苑芙蓉

不分江鄉種移來御苑栽倚風臨太液濯露向
蓬萊的的粧教妬盈盈艷欲摧君王未采折含
意自徘徊

入覲宿恩縣

雙旌留古邑匹馬逐西風野哭誰家婦孤飛入
塞鴻扶踈悲散木踪跡嘆飄蓬玉帛諸方會朝
元禮正隆

春日送周天成

客中仍送別握手不勝愁人與春同去花將淚
并流藥苗隨雨長樹色入山幽雲水看君遠泥
途愧獨留

過宿州卽事

荒邑臨高壤長渠水斷流山貧綠樹少村斷遠
烟浮歲食資趁麥年徵竭馬牛朝來城下路野
哭動深秋

至良鄉望京邑作

到京只百里極目尚依依山色仍看是方言已
覺非旅憂從此謝故舊未應稀雙闕瞻天近深
慙報國微

次穀亭有感

蒲目淒涼事歸心入夜長風塵飛遠檄天地傍

危檣白屋荒平野寒鳥咽曉霜無繇散兵革擊
劍自悲傷

過濟上值風沙白晝如夜

停橈濟水上白日暗風沙問俗傷多難逢春不
見花亂山行處失雙鬢拂來斜遙憶江南地清
林幾萬家

赴都梁阻舟

新雨疑添綠舟仍傍水涯宿鳧窺淺渚飛鷁阻
長淮舊藥乘閒檢新篇取次排更看雙燕子少

得慰羈懷

送鄭信之守鄖陽

初識南宮日西曹復共官總因投分劇愈覺別
離難虎竹分鄖口熊車過德安良哉二千石應
為起彫殘

遊瑯琊山逢劉子正

不盡瑯琊路相逢若有期隔谿蒼雨過滿地綠
陰垂谷冷征衫薄山深步履遲清尊猶未歇啼
鳥夕陽時

野宿有感

野宿依寒草空林不見人忽逢青黍節追憶白
頭親鼎祀憑誰薦盤餐媿食新山雲迷海樹南
望一沾巾

過正陽鎮

古鎮千家擁長淮六月寒潮聲連雨上山色帶
愁看不作思歸引空歌行路難那堪雙鬢短偃
蹇寄微官

寄張天瑞

高樹涼風發空山落日催年光信流水心事學
寒灰獨有懷人夢常因國士才寥寥千古意還
擬對君開

送方時舉考績

南國爲郎久才名是處饒春卿初起草秋署見
孤標祖帳秦淮別垂裳魏闕遙應知碣石館先
有紫雲招

送莊希曾歸省

年少憐同席天涯共一官自馳江草去誰耐苑

花殘歸思先帆影吟懷滿筆端總知誇畫繡不似綵衣歡

送簡一川考績便道省覲

奏績美君行秋風驛路清看雲憶子舍就日近神京綵鳳裝爲誥江魚和作羨還應登閣皂草木盡生榮

送莫文美太學

已向爽鳩鳴能高啓事名還家老親意惜別故人情落鴈秋空遠澄江返棹輕懷中有奇策莫

忘獻承明

送陸元望叅湖藩兼得覲母

都門擁使旌江草送歸程風雨一尊別川原萬里情維藩元國計懷橘是家聲還說移潘御看山楚澤行

爲客

獨憐爲客久踪跡寄山城家信偏難得羈愁總易生長歌誰與和短髮自堪驚回首江南路依依雲樹情

過高唐訪蔣員外不值

秋草寒原暮高唐入望平泥途憐客倦畊鑿見
民情雨宿風偏壯晨炊午未成蔣生不開徑尊
酒共誰傾

過河間與馬君卿隣宿不面賦此

憶昔各分手每懷天一方翻憐籬壁外如隔萬
山長失已同交臂愁偏繫別腸臨岐重回首汀
樹晚蒼蒼

宿景州大霧三日不解

濁霧衝雲起連朝障不開空中霾日月望裏沒
樓臺野鳥驚巢失行人泣路回襄城尙迷却倍
使客心摧

與毛貞夫侍御夜出河西務

明月照滿地行人憶大刀不因持漢節可得放
吳舳振鷺聯裾密遷鶯擇木高關河霜氣肅萬
里動寒濤

宿南鎮店

北土殊南土他鄉憶故鄉馳驅厭羈勒安穩念

金臨江集 卷三 五
舟航笠外蒲天雪鐘前半夜霜青山應笑我底
事馬蹄忙

驅車

出守淹歲月驅車無乃勞蛾眉讓流輩雞肋笑
吾曹落日悲橫笛秋風憶大刀何時謝簪紱歸
臥白雲高

陸母七十

賢明看往帙幾個古稀年老去身猶健秋來髮
尚玄花扶戴勝好雲映舞衣鮮入饌調魚筍麻

姑坐客前

贈孫廣文

自愛官如水何須食有魚月明花覆席林靜鳥
窺書捲幔夢初適開尊興不踈晚來新雨霽草
色滿庭除

錢臨江先生集卷二終

處陰步來尋落果坐久換鳴禽世路何多事看
山獨會心

策騎

策騎遠江艷烟光面面奇蟬聲雨外急虹影日
西垂水抱居人屋郵題過客詩與誰浮大白一
忘故山思

送錢文中

不獨衣冠後兼之絕代才春江一棹去秋鴈尺
書來相見知何地臨岐更舉杯百年消幾別孤

抱為君摧

京邸移居

經春方詣闕旬五再移家巷僻憑誰問官閒興
自賒鍾山仍在眼鄉夢遠休嗟換得宜人處庭
前一樹花

送甘欽采守惠州 二首

分手淚闌干離愁對雨寒故人今日去芳樹共
誰看地僻容官嬾心閒與俗安為論千里別不
覺酒杯寬

其二

衝雨發江干孤舟六月寒
曉風過野店秋水下危灘
北闕容吾拙南人賴汝安
已爲傳嶺外太守得劉寬

射洪楊殿之太僕諫斥方士詔獄歿作此

悼之

泣望寥天遠中朝有直臣
乍聞稱數馬驚說歿批鱗
裂背文成怒囊頭獄吏嗔
忠魂翻自慰濯恨射江濱

送姜子登還蜀省觀

白雲連蜀道紫馬出燕京
不是辭榮去真爲戲綵行
山光添旅興春草送歸程
定憶金門裏花深喚早鶯

移病

移病方辭國幽懷獨自歡
有山如好客無事且加餐
弓影經年釋刀頭傍月看
敢因江海志恣却主恩寬

送同年胡汝登守寧國

二首

滿目愁風雨，淒其送爾情。
旗亭看出祖，薦牘憶聯名。
地近鄉書易，官閒午夢清。
還知驅五馬，爲政似西京。

其二

分袂石頭城，長江惜別情。
看山誰作伴，守土獨知名。
日落帆樯遠，秋高霜露清。
宛陵三輔地，回首是神京。

客館

荒館不成寐，青燈對病軀。
誰家還搗練，幾處亂啼烏。

啼烏月遶山，牕冷風搖客。
枕孤迢迢千里夢，可得當歸無。

宿大市集遇呂仲木太史

積雪迷清曉，山原入望賒。
馬頭尋客路，渡口問人家。
野屋村村火，寒谿樹樹花。
尊前有知己，沽酒一停車。

送吳憲使之滇

立馬送君行，秋風發棹輕。
三山空窅謁，六詔見澄清。
望眼迷前浦，鄉心逐去旌。
獨憐今夜月，還

照石頭城

遊閣皂山

風塵念幽壑歲月繫微官我慙偷閒出山應許
醉看青林藏谷遠丹井照人寒鳥外斜陽下登
臨意未闌

過河間陸良才太守衙齋

河間陸太守不讓漢循良驅吏放衙早留人小
閣涼相看驚髮短道故惹愁長把酒新秋夜高
城月色蒼

蒙山禱雨

侵曉命雙屐攬翠郡城西雲能旋觸石暑不憚
迴谿深澗清流斷原田赤日低山靈倘相念有
渰賦萋萋

蛟湖勘災

弭節蛟湖上躊躇向水濱平田生白草大澤起
黃塵荷鍤齊悲旱環車各訴貧憂時愧無策俛
首欲沾巾

建自靖祠祀練公子寧

金剛經集卷三
中原龍戰起萬國撼雷風天意別有主人心獨
在公青山無斷骨白日見孤忠到此看臣節羞
言靖難功

分校江西試院

深院鳴秋柝傳更風外呼當年悲此夜對月正
操觚蕪石驕何有驪珠探得無爲看牛斗分光
恠燭洪都

過新淦羅使君宅

宦轍風塵久南山一問盟孤亭銜石出萬木拂

雲清總託神仙跡真堪吏隱名招呼意不淺燒
燭坐深更

罷郡歸梁家閘阻淺成秀卿使君助夫挽
船賦謝

江湖千里客老病一孤舟自合明時棄翻悲淺
水留浮雲輕過眼落日重含愁不借風霜力何
因下碧流

鴈字

入塞聲何急銜蘆事豈虛雲聯陣共遠風斷影

金剛經集 卷三
還踈秋葉分飛夜寒星漸落初聞從上林過曾
得數行書

送子芹萱會試

送汝長安道風霜共此行片帆雲外遠雙鴈日
邊鳴獻玉投人意泥金慰我情慈恩倘題字拂
拭老夫名

歸來

勿謂歸來晚桑榆午正陰貧嫌妻子問老愛故
交深每動看山興空懷避世心年光易流轉清

夜忽聞砧

題陸舍人別業

地深塵不到林靜鳥還鳴以我欲逃世逢君此
結盟傍簷花歷亂當戶石崢嶸坐對堪幽賞超
然丘壑情

李少偕明府見訪

皂蓋過田野生爲蕭艾光亦知慙雪鬢翻得對
星郎政說嘉禾長名叅列栢行貧家無帳具春
韭剪新黃

次芝田驛

驅馳千里道感慨百年身白髮君門遠清秋驛
路新灘聲來枕急戍鼓送愁頻燈火空江外終
宵望北辰

和張將軍過蒿壩

王事兼程發寧知計曉昏水窮仍有路林外別
成村秀句懷蕪國深山望鹿門年芳非不戀名
姓在乾坤

戊寅除夕

又是逢除夕勞勞念往年忍殘燈下漏屢撥篆
中煙世事浮雲外生涯流水邊明朝鄰舍酒應
許醉春先

重過興善寺海公房

流景一何速中懷感獨深青山如有待白首此
重臨花外聞鶯語松間出梵音遲回興不盡纖
月下長林

偕聚公宿下竺

空門一駐屐松竹澹斜暝葛井自通澗靈山不

礙雲巖花風外落金磬月中聞况與支公接玄
談坐夜分

過大佛寺復放舟湖南

石作毘盧觀旋登彼岸遊深松低白日碧澗寫
清秋草色滿湖雨笛聲何處樓攀躋興不已月
出更移舟

九日

每逢重九日與客賦登高白髮慙黃菊清言對
濁醪潮聲通海艖山色墮林臯楓葉蕭蕭下狂

吟首獨搔

飲呂東之西樓

落日山逾碧微風江自流挂帆愁破浪解帶此
登樓窓裏浮青雀尊前起白鷗主人能愛客投
轄更淹留

悼董羅石先生

見爾生時韻應無歿日愁風塵辭客夢山水愜
神遊不返遼東鶴空餘海上鷗去來寧有跡誰
謂隔玄幽

天姥道中

行行車騎遠危磴入秋烟鳥道層霄上僧居絕
壑邊餐霞自有意混俗漫隨緣誰最先乘鶴翻
飛到海天

渡曹娥江

游目縱千古長風揚遠舫山川標越絕天地託
精靈怨與雲俱鬱啼將雨共聽獨留江上草猶
作漢時青

蔡兒讀書山中寄示

塵事山中遠孤峰雲外高壯心慙我輩老眼望
兒曹夜月供咕嗶秋風動羽毛三餘汝自有那
可媿時髦

對梅花感賦

點點縈寒葉踈踈出短墻那知惜花者孤寂在
閒房索吟應無偶關情別有香恠來初着眼一
倍攪愁腸

東關道中

雨收風復靜一鏡綠波開放舟何處客隔岸越

王臺驛路綠崖出江潮逐樹迴青山當晚照空翠欲飛來

治地得定盃

入土百年物得之良亦奇雖非金玉相可作鼎彝窺比霜堪竝潔肖月自成規藿食方須此兒童好護持

贈甘員外尊人

茅屋傍幽林棲遲愜素心百年霜髮短三徑雨苔深花落燈前酒月來松外琴因悲在塵世無

處滌煩襟

越城懷古

芳草追前事荒臺江水湄霸由檣李日棲憶會稽時雨濕鷓鴣語花含西子悲臨風探禹穴淒斷讀殘碑

送夏陞之還蕪湖

汝向鳩茲去長江無限情一身貧亦得五畝薄須畊此日別吾輩臨風憶女兄關河多白鴈悵望暮雲平

憶齋兒客金陵

歸棹竟何日千山阻石頭倚閭愁老眼作客柰
深秋木落知衣冷江空遶夢流舒祺吾豈愛倘
亦付弓裘

贈鄭廷珮

俠烈元天性雄豪久擅名綵衣娛晚節綠酒過
浮生鷓鷯無清夢漁樵有舊盟白頭何矍鑠聞
說餌秋英

悟空寺作

古刹巋焉在人間盡劫灰青山留短屐白髮照
深杯竹色邀雲入松風吹月來一生蕉鹿夢到
此不容猜

輓朱將軍

索寞將軍第青山對作輦生前夢未覺歿後論
方真草綠一丘雨霜摧百戰身秋風故人淚爲
爾獨沾巾

徐襄陽宅觀牡丹 二首

名高洛陽記今開孺子家葢初搏絳雪花漸簇

香霞摘似牽紅線看如鬪麗華若教曾解語丹
靨未須誇

其二

午暈顫風斜流雲欲倩遮暖將開步障烟尚薄
籠紗艷逐春情蕩香添酒力奢低回吟未足殘
日水西涯

張節婦

夫婦情自篤泣可墮堅城豈慕莊姜志爭高魯
寡名青春掩明鏡白首對寒檠底事孤飛鴈嘹

嘹江上鳴

題吳學博南軒

問字有名彥庭間綠蔭深寧教食無肉只愛竹
成林展帙會新意開簾見遠岑南榮每孤坐應
得古人心

贈魏朝信明府 二首

使君勤問俗往往出披榛是處隨車雨長留飛
鳥塵戶開深夜月花發滿城春不識園葵味應
知官舍貧

其二

其說神明宰三秋福應深陽侯不敢怒魃鬼避
為禳勁足稱強項廉能愜素心已收循吏傳只
合置升沉

社飲遇雪不赴寄諸友

地塞斷行路天低暗落暉不憐孤客冷但惜故
人違凍井無薪爨高門有葛衣西山美諸彥豪
飲未曾歸

冬日病起

歲序忽云暮梅花刺眼新寒聲黃葉徑起色白
頭人尊酒世情遠兒童語笑頻醉顏聊對鏡不
減去年春

贈易士美明府

當年尚猛急誰最緩催科獨有鹽官令無慙召
父歌畊桑成樂土斤鹵亦熬波更說鳴琴暇南
薰解慍多

凍鵲

荒林逗落日凍鵲下江臯朔野空禾黍寒天鍛

金剛江集 卷三
羽毛聞聲猶送喜遶樹亦知勞若道樊籠煖巢
寧護雪高

畫牛

來耕南畝上歸飯北山阿應怕看明月行將渡
濁河方春丞相問長夜甯生歌極望秋風裏黃
雲散黍禾

秋原

日薄遠烟淨天高四望清幾人爭野渡疋馬去
荒城風送蟬聲急雲拖鴈影橫誰家臨水上紅

樹覆柴荆

哭萱兒 二首

今日吾哀汝他年誰我哀眼枯雙淚盡身在寸
心灰風樹歸魂斷霜華短髮催那堪愁望處飛
雁嶺南來

其二

生奉丹書去歿將白骨還愁教哭子淚流水共
潺湲北戶瘴何烈東門喻自閒趨庭猶入夢髣
髴別時顏

煎茶

龍團初擘試花砌
遶烟蒼忽響松濤
月還分穀雨香清
宜禪客賞幽愜野
人嘗何必逢仙侶
相留飲玉漿

清風嶺

疊嶺扶烟上清芬
百代留指憐丹一
縷心可白千秋淑
魄沉幽草悲風動
古楸題詩淹過客
天入暮雲愁

蒿村小隱

地僻無塵事心閒與世違
誅茅堪託處把釣欲忘機
倦鳥不飛去暮雲時復歸
故人期放棹倚杖立斜暉

錢臨江先生集卷三終

Blank page with vertical lines for text.

錢臨江先生集卷四

海鹽錢琦公良著

七言律詩

都門候駕

南郊禮秩天顏喜北闕鑾迴瑞氣高
春草六街承輦道長楊千樹亂旌旄
周廬嚴衛羅羆虎仙仗分行列駿髦
明日慶成筵上客可無忠藎答秋毫

元日禁中

春雲百尺護樓臺紫禁重重次第開不是天顏
臨日月那知仙掌近蓬萊辟邪舞向龍墀出含
利鳴從鳥域來仗下小臣欣際會玉堦瞻顧幾
徘徊

元夕禁中

嚴城此夕弛金吾仙樂飄飄徹帝都火樹苑中
侵月出鰲山天畔借雲扶千行珮轉鳴寒玉百
道光移見夜珠踏遍鳳皇樓下路不知人外有
方壺

鴈燈

誰將一片湘江影借作尊前火樹明看去年驚
沙塞落聽來無復隴頭聲九枝虛傍飛難起五
夜懸知夢不成遊子只疑書可寄如何空照踏
歌行

田裕夫失二僕戲贈

君家旅給兩童子竹裏柴門任閉開結伴自乘
江月去虛牕不管曉雲來却憐小史能驕客那
得方回更論才只有春風過舊主還吹花落掌

中杯

送崔元器將軍

將軍何如昔都護少年俠氣偏縱橫國無金湯
借餘勇家有鐵券專殊榮星辰錯落腰下劍風
雷辟易胸中兵太平憐君好文學賦詩相送東
南行

過王氏別業

幽樓卜築此江村短褐茅茨古道存汗下自堪
供國賦清高誰似教兒孫垂楊影裏春藏艇啼

鳥聲中月在門最愛俗塵飛不到竹窓分綠對
芳尊

登東塔寺浮圖

青白池邊春草生山僧猶說買臣名七盤高下
臨雲雨百里蒼茫識晦明忽訝衣裳天上坐還
疑鐘磬地中鳴不堪回首人間世一片紅塵作
化城

聞許汝登憲副歿難

恠底沉雲黯不收忠魂已自託千秋都傳漢殿

多豪傑何事淮南有逆謀天地獨遺知舊哭綱
常翻繫直臣頭遙憐青血埋冤處長有精光燭
斗牛

過呂梁洪

徐方巨險惟呂梁白石齒齒聲湯湯蛟龍夜吼
風雨怒鳧雁晝伏波濤狂黃帽遡湍駭無色紅
船出硤歌鳴榔臨深往往自爲戒翻來踏此摧
肝腸

寄吳德翼方伯

譚經晉日坐春風廿載追隨片席同豈謂丁年
成老大空教辛苦憶兒童掌中酒映谿流碧林
上秋添木葉紅三徑若知黃菊意草堂今在峽
山東

寄內

身外功名那可期青燈愁絕夜深時高堂念汝
能相慰明鏡懷人定不窺春去莫嫌花自落秋
來有夢月應知若憐季子貂裘做好爲縫衣寄
所思

紀夢

寒宵清夢向慈闈宛見青燈照斷機幻影乍乘
胡蝶聚驚魂忽逐夜鳥飛情當縈戀渾疑是語
到依微又覺非殘月半牕悲坐起可堪雙淚自
沾衣

過沈氏故居

千山門外碧嶙峋昔有蕭然白髮人一卷祗隨
天地老雙眉不受古今顰清狂自欲尋仙侶貧
薄誰能遠俗塵造物任君成怛化庭花空復照

殘春

海門寺

健着青鞵到上方逆風先得過林香海潮東去
知龍子山勢西來學鳳皇清梵入空朝散雨禪
心和月夜生光坐看大地俱成幻不獨浮名可
盡忘

登閣皂山

閣皂山勢摩天垂迴途亂石行叅差雖有黃冠
指洞壑時驚丹嶂崩路岐鳴水亭蕪自秋色放

金剛山集 卷四 五十一
生池堙空御碑烟雲深鎖葛翁殿誰當教我尋
青芝

遊牛首山

青山高傍帝城隈有客相將命酒杯石路草香
人獨往楓林葉暗鳥頻來江迴素練雲邊出岳
獻名花雨後開臨眺莫言歸去晚放歌還上夕
陽臺

燕山別意

蕭條落日照燕山不盡寒雲遠樹間自逐飛蓬

萬里去翻將楊柳一枝攀莫彈清筑增離恨且
醉芳尊破別顏立馬更牽林下看爲憐鳥倦亦
知還

春遊不赴呈陸元博

支離臥榻小樓東空憶章臺走玉驄三月好懷
供藥餌十年塵路學兒童桃花水煖通秦塢楊
柳條長拂漢宮寄語更期同出罷蔗漿茗飲未
全窮

寒食

一百五日風雨期江鄉遙望天南涯驚風不啻
落花怨急雨自生行路悲還須熟食供多病未
許輕烟禁少時荏苒頓教春欲暮壯心空自重
凄其

寄朱克明索畫梅 二首

故園梅已見花時語向東風慰所思若寫羅浮
夢中月好題驛使隴頭詩高樓那怕吹長笛行
橐何妨送短枝漫道緇塵汗顏色從來不敢上
冰姿

其二

歲寒蕭瑟萬山空江上枝應綻曉風未得遠尋
深雪裏欲教先看尺綃中夢來霜下飛胡蝶憶
向天邊覓塞鴻能使他鄉對春色清吟還擬杜
陵翁

雨中集憑虛閣餞僉憲丁宗魯郡守馮行

甫汪立之江朝會

春雲壓樹雨不休千花萬花含別愁白門行客
駐長旆粉署同官祖勝遊江鴻渺渺沉孤影烟

草離離散遠洲道上喜添三尺水馬蹄還許暫
遲留

晨星

玉繩初斷曉鐘遲正是晨星欲墮時殘影忽從
高樹盡微光猶近小牕窺行人作伴登長隴宿
鳥還疑過別枝凋謝莫因傷故舊且看滄海上
朝曦

曝日

一片朝曦初破冷玄冬門巷未全貧方驕煖氣

開鶉結只恐驚風墊角巾行處直分沙鴈午坐
來還覺野梅春君恩浩蕩原如日不盡陽和到
海垠

雪

同雲沉沉垂遠天出門四顧心茫然將軍驅馬
過玄塞美人抱瑟停朱絃白髮笑映雪上月清
夜興盡山陰船古來愛爾別有意我獨喜劇歌
豐年

中秋對雨

陰雲千里蔽中秋急雨當窻未肯收素女嬾開
天上鏡幽人空倚水邊樓江湖濤暗蒼龍吼關
塞寒深白鴈愁高興那因無夜月不將杯酒醉
筵篔

盱眙署中臘梅一樹三年不花今冬忽開
喜而作

小葢青青大葢黃一枝初放近垂堂三年不見
汝顏色此日相看我欲狂寧爲冰霜摧晚歲故
將烟月對寒粧清吟未得何郎句獨倚空闌領

暗香

送陳鳴漢太學

乳燕拂雲江上來垂垂柳暗黃金臺異鄉忽作
故鄉別愁顏暫假歡顏開高歌酣飲惜分袂舵
師津鼓何相催明年八月桂花發長安匹馬能
追陪

長陵

西北居庸鎮帝州曉披香霧拜螭頭珠宮劍舄
千年在石馬風烟萬壑浮絕壁暗生龍嶂雨玄

雲高護鶴聲秋群靈扈從紛幢節縹緲中天十
二樓

送李將軍

時清莫便卷龍韜卽看東南劍氣高玄豹十年
深海霧長鯨千里靜波濤雖無羽檄催橫槊應
向鏡歌賦大刀此去封侯同衛霍彩虹銜日送
旌旄

濠梁驛贈趙文實孝廉

晚風吹雨入濠梁驛舍新添客夢涼山繞諸陵

雲樹合水分平野稻花香狂歌自答秋濤壯濁
酒偏呼夜色長三月南宮春正好杏園忻看獨
徊翔

寄白雲上人

曾訪當年水上菴片雲閒對老瞿曇因看圓澤
三生石得共叅寥幾夕龕貝葉展風尋白法塵
松搖月助玄談相期已契形骸外不二應知靜
裏探

春日書懷寄王山人

謾學丹砂勾漏公且將幽意託春風衰齡未卜
他年健濁酒堪邀此日同杖外青山分野客沙
邊白月共漁翁有時睡起渾無事閒看浮雲西
復東

宿阜城姚媪家

川原迢遞東復西還家旅夢猶雙棲羸馬更逢
雪灑灑敝貂無柰風淒淒千疊峰陰掩白日一
群鳥影沉清谿壚頭小婦解行酒恠聽夜半鳴
寒雞

送僧南歸

名藻東吳我舊知燕山那意更尋師看松雖有
歸來約折葦應無去住思步出薊門逢朔鴈吟
從楚澤見江灘相期不久還煙壑願得常分夏
坐時

招玉芝上人

精廬深寂恣盤桓落日群山每自看峰影挂天
青欲墮蓮花出水碧長寒經繡石上方尋悟錫
到人間也不難為念東林相望久可能清夜共

蒲團

賦得芙蓉贈人

晴江瑟瑟顫西風秀色真堪學比紅夜月自宜
鷗渚外曉霞偏映野橋東錦官秋向城陰見素
女嬌憐帳底逢欲折一枝還置却粉香如面故
人同

寄江景熙京兆

爲愛東風醉碧桃蹇驢歡逐信兒曹璇房和藥
春多病銀管生華晚更豪別去江雲連解艇揭

來天地問綈袍舊鄉曾有西湖約長憶孤山處
士高

殘春

雨過芳林鶯語稀問花花半逐風飛一年最惜
春將去萬里傷心客未歸舊宅桑麻憎宦廢故
鄉兄弟竟誰依遙思南國無窮意底事蹉跎賦
其微

京師除夕

異鄉歲叙偏多感况是一年將盡時芳草西堂

空有夢白楊高塚豈無思雪消庭竹燒殘臘春
借椒花傍酒卮清禁忽聞寒漏急鳴珂又向鳳
皇池

過許文器

束髮論交五十春入門驚見白頭新重來更覺
幽居好久別仍憐意氣真籬棘鉤衣還似舊瓢
尊注月未全貧悠悠塵事何須問共爾高歌岸
角巾

春陰

春來十日九日雨蠟屐端知負勝遊總是商羊
能解舞可堪花鳥劇深愁吟邊殘溜從教滴病
裏沉雲恠不收且向牀頭出新酒濕煙輕處看
芳洲

同孫朝信過天壇劉道士房

天街雨過柳條輕出郭聯鑣信馬行偶向園丘
花裏去忽看方士鶴邊迎千年大祀開玄寢百
尺靈壇護玉京茗盃鑪香易成別昏鴉點點趁
人鳴

送胡世高奉使歸省

使節歸從洛水濱可因行役廢寧親驅來騶馬
方乘傳覓得雙魚正及辰北闕近承丹詔重南
山遙睽絲衣新輜軒到處應多暇好采風謠獻
紫宸

別陳上舍

季方才譽自名流蹀躞神駒好壯遊負笈不妨
聊作客請纓端亦笑封侯長楊月落千門曉芳
桂風生六館秋杯酒春明重回首江天雲樹晚

悠悠

送周以發歸省

底事翩翩結駟歸爲憐春色在庭幃暫辭北闕
傳新檄却指南雲返舊扉夾路桃花迎晝繡映
堦蕨草動朝暉向來旅夢思千里此日承歡試
綠衣

贈樵者

羨君蹤跡杳難攀身逐閒雲任往還萬事無心
從白髮百年有夢只青山歌傳曉谷侵烟入寒

濯春枝帶雨刪此日丁丁深岫裏冷然吹響落
塵寰

宮柳

莫倚東風舞態狂託根纔得近君王縱憐腰似
一枝瘦應妒眉添半額黃春坐曉鶯歌禁苑夜
將秋月挂昭陽更從太液池邊看沐雨含烟別
樣粧

春日徐子正南園社飲有談築海役者悵
然感賦

徐卿原自擅風流春社相携得共遊萬里波濤
迴大壑幾家歌吹隔芳洲酒酣倚樹搖紅雨日
落投竿起白鷗莫謂郊居無一事浮生猶抱杞
人憂

錢臨江先生集卷四終

金剛山集 卷五
十載名山喜再過天涯交誼奈君何人從細柳
軍中識賦比長楊獵後多映日迴谿搖素練倚
風絕壁舞青蘿興來更與攀躋上萬疊層雲勢
可摩

秋夜懷朱克明

宦跡蕭條借一枝秋風忽到薜蘿帷書傳白鴈
銜愁日花落青燈入夢時燕市鶯聲催客淚楚
江雲影繫人思鄉心遙度千山外不覺中庭片
月移

姚可大夜過話別

不妨清晝供多病却有新詩漫獨裁懸榻經年
稀客至衰顏此夕爲君開風塵何處論知己歲
月吾將付酒杯明日孤舟江上發白雲遙望片
鴻來

同年會集憑虛閣余抱病不赴

驚風吹雨花欲盡有客衝泥偏漫遊百年能得
幾回醉此日真堪一破愁高閣垂陰飛鳥沒青
山出樹遠烟浮那知枕畔足幽夢已到雞鳴最

上頭

江西試院與同年邢伯輿夜集

掄材棘院驥群空廿載相逢惜轉蓬把酒莫辭
今夕醉看花猶憶昔年同涼颺入座驚秋半短
燭聯牀似夢中他日倘分南浦棹祇將心事託
鱗鴻

秋夜

苔荒幽徑少人行獨倚闌干對月明秋到眼前
驚物換事關心處逐年生莫憐滄海頻潮汐且

愛青山解送迎寂寞空庭誰是伴寒枝棲鳥喚
深更

臘日

去年臘日哭吾婦今年臘日哭吾孫已占星紀
隨天運更訝風波與事翻凍柳雖遲發新眼江
梅漸欲開陳根莫將胡蝶悲前夢且待青春傷
一尊

送唐虞佐之剡城

步出春明問別舟不堪搖落重離憂亭邊衰柳

迎人折枝上饑鳥傷客愁過去風波俱入夢到
來天地復驚秋此行定識遙相憶只對剡城月
蒲樓

送隱菴上人南歸

碧波秋冷白蘋洲南渡慈航不可留禪榻幾回
同曉夢客途相送動鄉愁錫飛蕪樹孤雲起帆
落吳江片雨收定擬歸來成野服松風蘿月共
湯休

送陸公藩

燈火幾同遊藝日風雲今遇剖符時一官敢自
論高下斗酒於君念別離匹馬短衣烟樹外輕
鷗孤棹越江湄迂踈報國慙無術能遣雙魚慰
所思

送馮生還楚

扁舟歸去洞庭寒却喜仙郎愛鵝冠三載白門
襟契好一尊江館別離難初春弱柳因君折映
日山花只自看家世盡稱驄馬舊莫隨鷗鳥戀
漁竿

送鄭信卿守高州

製錦曾傳僊令名竹書又紀省郎清昔年報政
臺中最此日承恩嶺外行瘴雨千山驅五馬榕
陰二月聽啼鶯知君到處留餘澤保障循良頌
漢京

送王敷典還閩

豈無詞賦欲干虹長嘯青冥一劍雄鄉思獨憐
殘月後離情同悵夕陽中豹文擬變三秋霧鵬
翮須搏萬里風若使故人能見憶七閩南望有

歸鴻

送周比部予告還家

誰憐解組出江關羽翼翩翩不可攀起草舊嘗
稱漢署採芝今暫入商山十年病骨還家瘦雙
鬢秋風爲國斑若念新亭舊時淚未應踪跡陸
沉間

送貢斌

回首天涯宦迹微故園松竹獨依依亦知雨露
容君老忽謝風塵逐鴈歸日落暮江濤色冷秋

高霜樹葉聲稀巾車羨爾明朝發潦倒慙余未拂衣

贈何俯之

幾年不問東山屐每憶東山舊主人官舍忽逢頭半白帝城相對眼仍新臨風命酒看黃鵠冒雨尋谿采綠蘋金馬正歡同避世未應歸去看綸巾

括蒼道中

四顧崕呀山復山白雲常在馬蹄間苔深古洞

無人到日落長松有鳥還曲磴連空扶草樹斷崖飛瀑送潺湲何當卜築分幽境高臥青蘿一閉關

寄徐子元

旅館踈梅冒雪香一身猶自客他鄉思君閒弄谿頭月愧我空疑地上霜夢到故園偏覺好醒來寒夜獨嫌長何如共着東山屐是處春風醉夕陽

寄公貴伯兄

金剛經集卷五
六
杳杳浮雲寄行跡青青草色喚人愁每驚夜月
侵孤枕兩見春花對小樓鄉國故多潘岳思漢
庭空抱賈生憂十年已賴懷明發不使天涯泣
楚囚

寄顧尚誠叅知

衰病誰能戀物華等閒春日過牕紗明時報主
孤臣淚往事傷心萬里槎海樹江雲牽客夢空
山獨夜十燈花年來更覺滄洲好欲共長康臥
碧霞

送沈棲霞道士還山

自是山中日月長美君歸臥獨徜徉九重近醉
僊桃色萬里遙騎白鶴翔龍劍已分真氣紫霞
裾猶帶御鑪香蓬丘倘遇松喬侶好證丹經大
藥方

聞張竹西譚禪賦寄

記得携書一問奇維摩高閣夜眠遲竹牀月落
寒初緊松徑秋深露正滋隴上白雲時自在谿
邊青草歲頻移鹿門總是清脩地何必東林扣

遠師

徐州遇子姪北上

黃沙漠漠古彭城野樹高原出旆旌
牢落江湖悲短鬢驅馳南北笑浮名
銷魂旅夜霜初冷屈指歸期月又明
諸子振衣同躍馬白頭長路獨關情

憶梅

北地春光常較遲江南消息若爲知
十年不見故園色此日難忘東閣思
瘦影橫波空有意香

魂入夢暗催詩遙憐花發垂垂好誰向天涯寄一枝

徐襄陽席上詠珠燈得千字

曾識清光合浦邊若爲懸向綺筵前
綵繩風動疑星落寶炬花明借月圓
照耀未論車十二豪華不羨履三千
須知此夜同歡賞何惜當杯費萬錢

宿州道中作書呈李使君

睢陽千里接渦流雲物蕭條面面愁
禾黍高低

錢氏詩集 卷五
殘雨過人家遠近暮烟浮不堪衰草添新恨可
柰寒花憶舊遊三載自憐羈法署却從今夜識
荊州

會飲文東官舍

翠竹高梧已自涼晚風微雨復生香也知懶病
無餘事且共芳辰罄此觴對客直教成酩酊放
歌還許任踈狂庾公不淺南樓興笑指神京是
醉鄉

送江朝會出守南粵

海雲漠漠飛南越江草萋萋對客愁風雨歌驪
悲在道慙勤結駟共登樓花明漢闕空山夢柳
暗秦淮落日舟聖主已知民力盡忍教犀象貢
交州

送汪立之赴鶴慶

當年畫省共遲留此日東風起別愁天上簡書
傳北使花間尊酒祖南樓孤臣匹馬千山去遠
樹層雲萬里投更說劍川湖畔月已懸秋色待
君遊

送尉尚質司教瑞州

日落觀濤大海濱相逢忽發楚山輪一官自笑
青羶冷千古誰言白雪貧壓棹葉書沾夜雨滿
門桃李照深春章江直下雙魚便莫遣天涯悵
望頻

朱南埜社會得時字

歸來林壑獨棲遲每向東鄰漫賦詩白社松風
分嘯傲青山花雨借襟期百年但戀杯中酒雙
鬢從添鏡裏絲最愛名園秋色好杖藜扶醉月

明時

九日與朱元素鍾彥材諸友登高分韻得

花字

江城秋老見黃花此日登高感歲華短髮自憐
催白雪清尊相與醉流霞采英籬畔思元亮落
帽風前憶孟嘉良會况逢諸故舊茱萸爭插髮
邊斜

送沃司教之華容

臯席相從二十秋豈期北客送南遊天空鴈影

隨雲斷寒入湖波湧雪流意氣肯慙前日壯功名定許晚年收荆湘自古多英俊桃李應看滿帝州

省中對雪

壓野同雲四望生人間知亦有瑤京光搖壁月浮空淡寒散銀河入夜清落砌乍驚花歷亂看山翻訝玉崢嶸謾將華髮簾前映媿殺袁安閉戶名

祝虛齋先生歸田

老臣聲望冠先朝多少陽和散沈寥一疏乞身雲壑重千山回首玉墀遙春畦雨潤抽蘭葉曉閣風微動柳條龍尾峰前精舍靜日長惟有著書饒

拜外家王氏墓有感

謁來隴首見歸鴻身世那堪易轉蓬無復松楸藏夜月謬餘荆棘起秋風孤魂寂莫寒烟裏殘碣依稀碧蘚中拜罷令人悲往事獨憐山色舊時同

立春

瞥見青郊報早春眼前雲物倍鮮新
梅花已學瑤臺笑柳色將偷翠黛顰
剪綵謾誇今日勝街杯元是去年人
東風更不嫌衰髮冉冉穿窓到角巾

過陳用明郊居

愛爾家居水市東鹿門今復見龐公
人間剩有千秋在身外那愁四壁空
白酒黃雞茅舍月落花啼鳥竹籬風
林泉自着潛夫夢不到長安車

馬中

懷林松雲

客星歸隱越江頭曙色蕭條似帶秋
每憶巖廊裁粉詔却憐函谷見青牛
林中得句時投簡夜半思君欲放舟
回首白雲迷遠樹但將別夢遶滄洲

醉翁亭次呂秉之韻

一逐風塵樂事微好懷常與故人違
偶來亭下徘徊久便覺山中勝覽稀
古碣日教蟲自蝕高

金日之集 卷五
松雲喚鶴初歸只應吏隱頻遊此滿地花陰送
落暉

春歸

人事推遷歲事同登臺把酒惜春風總憐西日
不相貸深負東皇著意工一杯喜映柳枝綠幾
度愁看花影空最是王孫芳草路可堪啼鳥夕
陽中

登嶧山逢充守劉子正

嶧山碧聳鄒城外幾度經過馬上看此日靈區

新縱覽喜逢賢守舊同官雲宮杳杳諸天合仙
洞陰陰六月寒薄暮石鐘催去旆孤桐垂處一
盤桓

送衡州吳太守赴任

風外輕帆帶夕暉故人愁見去如飛不緣送客
難爲別總念知交漸覺稀天入岫嶼青欲墮雪
消湘水綠初肥亦知露冕行春處爲憶同曹上
翠微

拜虛齋祝先生墓

金田江集 卷五
祭酒携來正及秋石臺寥落對荒丘山中不盡
青精飯天上那成白玉樓淚灑斜陽衰草濕手
摩殘碣片雲愁窮泉若更能談易欲繫侯芭問
字舟

輓李雪巖

青山曾不厭人棲魂夢那堪歲月迷憶昔縞衣
隨羽化獨留枯樹伴烏啼空帷雨後花猶落故
楊林中日自西賦就欲招遼海鶴滿江愁思暮
天低

詠鷹

漠漠高空不盡秋恠看凡鳥恣飛遊思搏極野
凌雙翼肯向虞人戀一韝雪淨霜寒山木落風
迴日薄楚天愁還知側目無千里礙聽長楊出
大蒐

董蘿石偕石門玉芝上人葦結潮音社于

海門寺賦寄

海門月出潮聲急波上山看一片青我以叻牟
問岐路君調狂象破沉冥初傳廬阜社中句更

金剛山集 卷五
說毘邪悟後經般若臺邊春草色肯分餘綠到
空庭

送錢廷佑觀察赴滇南

粉署含香時竝馬才名誰不共推君鴈冠喜着
南中去鴛序悲從北闕分棹發石頭乘曉月路
過金齒入炎雲秋風容易催人別未盡清尊又
夕曛

送劉少府歸九江

三年海國政成時一片城西墮淚碑花鳥也知

傷別意尊鱸無柰動鄉思日落烟波釣緝捲潮
平野浦仙舟移黑頭便作江上臥多少蟬冠兩
鬢絲

錢臨江先生集卷五終

千裡龍山我野無題對打五土相參少
 財限意性誠與余煙濛思日暮欲飲
 全錄
 平裡龍山我野無題對打五土相參少
 財限意性誠與余煙濛思日暮欲飲

錢臨江先生集卷六

海鹽錢琦公良著

五言絕句

送人赴滇南

滇水流西南萬里在馬首君看碧雞山猶存漢
 祠否

舟中別方思道

萍水逐風去見君未有期推篷更一語留作長
 相思

種竹

種竹只數竿清陰便滿室錯好薔薇花架上養
荆棘

候餞董明府不至

俟君在河梁低回寸心結雙旌逗遠樹日暮不
成別

縱鶴

自有萬里姿豈為耳目玩羽翼既已成秋風任
霄漢

湖上眺望

湖水清不流山雲閒不住雲水原無心會心有
佳處

聽百舌鳥

朝日千花裏交交百囀音似說春光好年年在
上林

歸田八詠 八首

望雲閣

小閣出林杪閒雲長在日凭闌向曉看片片入

金剛法集
卷六
秋谷

綠楊堤

東風搖弱線青眼看來新
但可繫歸棹不贈行
遠人

桑柘塢

三月雨初晴桑柘忽滿隴
田夫荷鍤歸呼婦浴
蠶種

君子林

人言薜蘿好不能耐朝旭
如何霜雪時箇箇青

如玉

觀稼亭

杭稻秋已熟農夫尚未炊
十家九懸釜縣官知
不知

芙蓉塘

春風多世情偏能媚桃李
獨有江上花停停領
秋水

黃花徑

豈不愛瑤圃而向荒徑
開自與幽人宜故來佐

深杯

大夫嶺

上沐九霄露下臨百丈巖高標已足貴俗煞大
夫銜

為友人悼妾

口脂猶剩色錦瑟尙聞聲只有穿針處閒牕閉
月明

懷雲居縉公

松古深藏寺城高遠見湖知師當此夜明月對

跣趺

夏日客過

夏日愛初長攤書臥石床扣門來上客分與竹
陰涼

秋水

秋色坐來好湖頭秋水清臣心自如水不用濯
塵纓

中冷泉

萬壑釀清瑩中冷獨稱絕我欲携一瓢汲取大

江月

內子脫簪佐脩

脫汝頭上簪作我丈夫氣爲笑
仲卿妻耳璫明月貴

重遊金山

迴磴攀春蘿尙憶來時路
只今秋滿江渺渺雲濤暮

惜別與襄公

見公飛楊花憶公落楊葉
人生縱百年消得幾

番別

書齋兒扇

樹德心獨愧去官身亦閒
庭前有槐蔭莫羨橐金還

王惟明見過

谿上槐千樹春來岸岸花
恠君通此路忽到武陵槎

有感

落日還東生流雲去復返
不過知非年那識歸

來晚

張文英寄詠雪詩

故人歌白雪，白雪為飛下。千秋郢中音，應知和者寡。

春山

策杖過春山，春山有佳色。好鳥花間啼，流水巘下碧。

谿上作

幽人愛清瀾，徘徊坐沙沚。且莫下漁竿，恐驚白

鷗起

七言絕句

陪慶成宴

建章花底帶春歸，酒氣天香半錦衣。只愧小臣歌既醉，太平無以報恩輝。

曉行望岱宗

白雲遙見起封中，倒景初搖日觀紅。天地隔離三百里，每驚飛翠壓秋空。

鴛湖晚泊

金剛江集 卷六
湖波洗出蔚藍天醉倚船窓對月眠鷗鳥也知
機事息飛來同宿蓼花邊

奠中送客

一曲驪歌愁自生天涯愁復送長征行邊試看
他山色應看燕山較有情

謁練公子寧祠

六龍潛逐破軍飛一歎看君却似歸只有此祠
高白日令人千載見光輝

過許台仲紫雲山居

百折巉崖落細泉茅齋行到紫雲邊許由原不
買山遁自愛萬松深處烟

白溝河

極天秋草與雲平龍戰曾摧水上兵惟有國殤
遺恨在時時風雨哭深更

劉賊南下幸衆守淮作

淮流南北大波橫賊騎如雲捲地行莫道孤臣
惟一劍自憑忠義作長城

經孫大初墓

蕭蕭松柏下斜暉千古中藏大布衣應有遺篇
埋不住年年猶作野花飛

寄內

底事頻年見面稀只從明月夢中歸朝來不盡
天涯淚灑向東風作雨飛

遊玉笥山

芙蓉高插碧天開雙屐遙從鳥外來玉笥破雲
尋不見更隨風上九仙臺

夜渡

野店村橋月上初隔江船火葦花疎夜寒波黑
魚難覓空有懷人一紙書

褒忠祠祀宋陳公元桂趙公孟濟鮑公璉

置田以供歲祀

黃塵飛暗大江流胡馬南來王氣收總是後先
同一歎不妨血食共千秋

漁父詞

白蘋風細渚蒲柔一艇滄江五月秋午夢覺來
無個事斜陽影裏狎沙鷗

遣懷

手種篔簹傍水邊，露華抽碧動江烟。
主人空有他鄉夢，辜負青青玉可憐。

聚公歸西嘯菴

去日江風吹白蓮，歸來秋色滿江邊。
遠公一鉢元無住，明月青山處處禪。

見故人徐禎

野寺西窓共草玄，忽驚華髮各盈顛。
風塵南北都休問，只對深杯說往年。

悟空禪房

松下誅茅自結亭，道人棲息此忘形。
荆山寺裏霜鐘曉，六十年來夢始醒。

捍海石隄爲風濤所壞，當事挽石董築作
此紀之。

噴日連山白浪高，長隄一線似吹毛。
人間那有秦王策，精衛寧辭木石勞。

遇同年張君用談盱眙舊事

秋聲月色澹江湄，遠道維揚遇故知。
舊事滿懷

金剛山集 卷六
九

渾不寐夜深猶自說肝脾

遊開元寺

乞得風塵一日閒却來蕭寺看青山白雲飛盡
數峰出忽聽晚鐘深樹間

尋聚公不值

雙屐來過長者園水流寒碧繞孤村白雲不解
道人意斜日猶封松下門

送友人之楚 二首

風送雙旌出石頭飛花無奈攪離愁洞庭此去

春何限應上君山憶舊遊

其二

春去那堪更送君日斜江上惜離群欲知回首
相思處只隔湘南一片雲

過潯州

江北江南十日程蕭蕭落木送秋聲夕陽滿地
鳥飛盡人在亂山深處行

吳兩峰鍊師見過

白鶴仙人來扣關向余清嘯開愁顏羽衣霞佩

金剛集 卷六
留不住飄然忽馭天風還

卽事

白鷗影裏釣船還
相見無言心自閒
明月滿天沙渚靜
此身寧獨遠人間

亳州公館

踪跡年年未到家
更來荒館暫停車
爲憐牆外雙松樹
半壁濃陰白日斜

病起謝夢石上人

老病方知問藥王
却言無病卽慈航
幻身從此

付師去同領松風水月涼

哭萱兒

總是傷心淚滿巾
却從何處見踈親
有聲哭到無聲處
始信情關父子真

偕林雲從孫朝信晚酌歸

斗酒相呼話舊知
夕陽樓閣影參差
出門携杖醉歸去
正是踈林月上時

卻金館作

翠壁丹崖四面開
卻金高館自崔巍
白雲不盡

長松色落日西風天際來

北還有感

山雨初晴五月天
躉辭雙闕到林泉
相逢多半成衰白
那不令人憶少年

題袁兒扇頭紅菊

一種紅香冒雨栽
晚秋聊用照深杯
莫嫌開處逢搖落
耐得風霜春自來

新荷

的的新荷浥露鮮
清池寒映曲闌邊
還如越女的

臨粧鏡月態雲容
着翠鈿

寄蓬州司教徐子元

記得論文對月明
別來瞥見二毛生
自憐不及徐公美
日映嘉陵江水清

賦竹贈魏明府 二首

綠蔭官齋萬玉枝
清風只許使君知
更將一片瀟湘色
翻作河陽縣裏詩

其二

長日簾前對此君
倚窓搖砌綠紛紛
訟堂近說

偏多暇坐看枝頭挂白雲

雞冠花

蒙茸細剪紫霞光
草砌亭亭足自芳
似欲長鳴報秋曙
西風立盡滿庭霜



鳳谷一夏

錢臨江先生集卷六終

